



Šemsudin Mehmedović

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

Broj: 01- 413 /24

Sarajevo: 9.1.2025. godine

PRIMLJENO: 09.01.2025			
Organizaciona jedinica	Klasifikaciona oznaka	Redni broj	Broj priloga
01-50-1-		113/25	

PREDSTAVNIČKI DOM

PARLAMENTARNE SKUPŠTINE BOSNE I HERCEGOVINE

n/r predsjedavajućeg

PREDMET: Zastupnička inicijativa kojom Predstavnički dom Parlamentarne skupštine Bosne i Hercegovine obavezuje Vijeće ministara Bosne i Hercegovine da, razriješi dužnosti Darka Ćuluma, direktora Državne agencije za istrage i zaštitu Bosne i Hercegovine, jer ima više od 40 godina penzijskog staža, s obzirom na navedeno, a na osnovu člana 119. stav (1) tačka 3. Zakona o policijskim službenicima Bosne i Hercegovine, imenovanom policijskom službeniku automatski prestaje radni odnos i gubi status policijskog službenika.

U skladu s čl. 8. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19 i 53/22) upućujem zastupničku inicijativu,

Predstavnički dom Parlamentarne skupštine Bosne i Hercegovine obavezuje Vijeće ministara Bosne i Hercegovine da, razriješi dužnosti Darka Ćuluma, direktora Državne agencije za istrage i zaštitu Bosne i Hercegovine, jer ima više od 40 godina penzijskog staža, s obzirom na navedeno, a na osnovu člana 119. stav (1) tačka 3. Zakona o policijskim službenicima Bosne i Hercegovine, imenovanom policijskom službeniku automatski prestaje radni odnos i gubi status policijskog službenika.

Образложење

Članom 6. Zakona o parlamentarnom nadzoru propisano je da parlamentarni nadzor provodi Parlamentarna skupština Bosne i Hercegovine posredstvom svojih domova, a članom 7. stav 2. istog zakona, utvrđeno je da se parlamentarni nadzor provodi radi preventivne zaštite od nezakonitog djelovanja, zloupotrebe položaja i ovlaštenja, prikupljanja informacija i činjenica o događajima koji se odnose na rad institucija i organa uprave Bosne i Hercegovine.

Darko Ćulum, direktor Državne agencije za istrage i zaštitu Bosne i Hercegovine, od 1988. godine da danas radi kao policijski službenik kojem se staž osiguranja računa u uvećanom trajanju (svakih 12 mjeseci efektivno provednih na radu, računa se kao 16 mjeseci osiguranja). Članom 119. stav (1) tačka 3. Zakona o policijskim službenicima, utvrđeno je da policijskom službeniku prestaje radni odnos i automatski gubi status policijskog dužnosnika u slučaju kada ima 40 godina penzijskog staža.

Darko Ćulum je već odavno ispunio uslove za penzionisanje, jer ima 48 godina penzijskog staža.

Nezavisni odbor Parlamentarne skupštine Bosne i Hercegovine je usvojio zaključak kojim se traži da direktori i zamjenici direktora Državne agencije za istrage i zaštitu Bosne i Hercegovine, Granične policije Bosne i Hercegovine i Direkcije za koordinaciju policijskih tijela Bosne i Hercegovine, blagovremeno dostave ministru sigurnosti Bosne i Hercegovine i Nezavisnom odboru informaciju o eventualnom ispunjavanju uslova za odlazak u penziju. Međutim, rukovodioci policijskih agencija nisu postupili u skladu sa zaključkom, niti je Nezavisni odbor bilo šta preduzeo da se poštuje njihov vlastiti zaključak.

Da apsurd bude veći, na moje zastupničko pitanje zbog čega je Nezavisni odbor prilikom provođenja javnog konkursa za imenovanje direktora SIPA-e prihvatio prijavu Darka Ćuluma kao formalno ispravnu, uprkos činjenici da imenovani ima 48 godina penzijskog staža, predsjednik Nezavisnog odbora **Enes Obralića u odgovoru navodi da niti jednim zakonom ili bilo kojim normativnim aktom nije propisano da je Nezavisni odbor obavezan u konkursnoj proceduri tražiti podatke o stažu osiguranja za kandidate.**

Zbog svega navedenog, potrebno je da u što kraćem roku Vijeće ministara, Darka Ćuluma, razriješiti dužnosti direktora Državne agencije za istrage i zaštitu Bosne i Hercegovine, jer ima više od 40 godina penzijskog staža, a na osnovu člana 119. stav (1) tačka 3. Zakona o policijskim službenicima, imenovanom policijskom službeniku automatski prestaje radni odnos i gubi status policijskog službenika.

Na sjednicu nadležne komisije i sjednicu Predstavničkog doma na kojoj će se razmatrati ova inicijativa, u skladu s članom 11. stav 2. Zakona o parlamentarnom nadzoru, potrebno je pozvati Ivicu Bošnjak, zamjenika ministra sigurnosti Bosne i Hercegovine, Darka Ćuluma, direktora Državne agencije za istrage i zaštitu Bosne i Hercegovine i Enesa Obraliću, predsjednika Nezavisnog odbora Parlamentarne skupštine Bosne i Hercegovine, da u okviru svojih ovlaštenja, daju informacije vezano za inicijativu i odgovore na pitanja članova nadležne komisije i zastupnika na plenarnoj sjednici doma.

Napominjem da je članom 11. stav 4. Zakona o parlamentarnom nadzoru propisano da je pozvano lice obavezno pismenim putem obavijestiti tijelo koje provodi parlamentarni nadzor o razlozima spriječenosti prisustvu najkasnije 48 sati prije početka sjednice.

S poštovanjem,

Dostavljeno:

- naslovu
- a/a

ZASTUPNIK PS BiH
Šemsudin Mehmedović

